

# **Այլընտրանքային ծառայության մասին>> Հայաստանի Հանրապետության օրենքում փոփոխություններ և լրացումներ կատարելու մասին**

**Նախագիծ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ՕՐԵՆՔԸ**

**<<ԱՅԼԸՆՏՐԱՆՔԱՅԻՆ ԾԱՌԱՅՈՒԹՅԱՆ ՄԱՍԻՆ>> ՀԱՅԱՍՏԱՆԻ**

**ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ**

**ԿԱՏԱՐԵԼՈՒ ՄԱՍԻՆ**

**ՀՈՂՎԱԾ 1.** <<Այլընտրանքային ծառայության մասին>> Հայաստանի Հանրապետության 2003 թվականի դեկտեմբերի 17-ի ՀՕ-6-Ն օրենքի (այսուհետ՝ Օրենք) 4-րդ հոդվածի 1-ին մասում՝

1) առաջին նախադասությունը շարադրել հետևյալ խմբագրությամբ.

<<Այլընտրանքային ծառայության ուղարկվում է այն քաղաքացին, ով մինչև հերթական գորակոչին նախորդող հունիսի 1-ը կամ նոյեմբերի 1-ը սույն օրենքի 3-րդ հոդվածի 1-ին մասով նախատեսված հիմքով պարտադիր զինվորական ծառայությունն այլընտրանքային ծառայությամբ փոխարինելու վերաբերյալ դիմել է իր զինվորական հաշվառման տարածքային զինվորական կոմիսարին, և ում վերաբերյալ 8.1-ին հոդվածում սահմանված իրավասու պետական կառավարման մարմնի ղեկավարի կողմից՝ հաշվի առնելով այլընտրանքային ծառայության հարցերով հանրապետական հանձնաժողովի (այսուհետ՝ հանրապետական հանձնաժողով) եզրակացությունը, որոշում է կայացվել ուղարկել այլընտրանքային ծառայության:>>.

2) լրացնել նոր նախադասություն՝ հետևյալ բովանդակությամբ.

<<Հանրապետական հանձնաժողովի ներքին գործավարությունն իրականացնում է տարածքային կառավարման բնագավառում Հայաստանի Հանրապետության կառավարության լիազորած պետական կառավարման մարմինը:>>:

**ՀՈՂՎԱԾ 2.** Ուժը կորցրած ճանաչել Օրենքի 6-րդ հոդվածի 3-րդ մասը:

### **ՀՈՂՎԱԾ 3.** Օրենքի 7-րդ հոդվածի 6-րդ մասում՝

1) առաջին նախադասությունում <<30-օրյա ժամկետում>> բառերից հետո լրացնել §, բայց ոչ ուշ, քան գորակոչի ավարտին նախորդող 25-րդ օրը,՝ բառերը.

2) վերջին նախադասությունը հանել:

### **ՀՈՂՎԱԾ 4.** Օրենքի 8.1-ին հոդվածի՝

1) վերնագրում <<որոշումը>> բառից առաջ լրացնել <<եզրակացությունը և իրավասու պետական կառավարման մարմնի ղեկավարի>> բառերը.

2) 1-ին մասի՝

ա. առաջին նախադասությունում <<որոշում>> բառը փոխարինել <<եզրակացություն>> բառով.

բ. երկրորդ նախադասությունը շարադրել հետևյալ խմբագրությամբ.

<<Հանրապետական հանձնաժողովի կողմից քաղաքացու դիմումը քննարկելու և դրա վերաբերյալ եզրակացություն կայացնելու ժամկետը չի կարող գերազանցել մեկ ամիսը:>>.

3) 2-րդ մասում <<որոշում>> բառը փոխարինել <<եզրակացություն>> բառով.

4) 3-րդ մասում՝

ա. առաջին նախադասությունում <<որոշմամբ հանրապետական հանձնաժողովը սահմանում է>> բառը փոխարինել <<եզրակացության մեջ նշվում է>> բառերով.

բ. լրացնել նոր նախադասություն՝ հետևյալ բովանդակությամբ.

<<Դիմումը մերժելու եզրակացության մեջ նշվում է դիմումը մերժելու հիմքերը:>>.

5) 4-րդ և 5-րդ մասերը շարադրել հետևյալ խմբագրությամբ.

<<4. Դիմումատուին այլընտրանքային զինվորական ծառայության ուղարկելու մասին եզրակացությունը 3 աշխատանքային օրվա ընթացքում ներկայացվում է Հայաստանի Հանրապետության պաշտպանության նախարարին՝ քաղաքացուն այլընտրանքային զինվորական ծառայության ուղարկելու որոշում կայացնելու համար: Դիմումատուին այլընտրանքային աշխատանքային ծառայության ուղարկելու մասին եզրակացությունը 3 աշխատանքային օրվա ընթացքում ներկայացվում է այն իրավասու պետական կառավարման մարմին, որի ենթակայությամբ գործող կազմակերպությունում

(իսկ տեղական ինքնակառավարման մարմնի ենթակայությամբ գործող կազմակերպության դեպքում՝ տարածքային կառավարման բնագավառում Հայաստանի Հանրապետության կառավարության լիազորած պետական կառավարման մարմին) եզրակացությամբ առաջարկվել է իրականացնել քաղաքացու այլընտրանքային աշխատանքային ծառայությունը՝ իրավասու պետական կառավարման մարմնի ղեկավարի կողմից քաղաքացուն այլընտրանքային աշխատանքային ծառայության ուղարկելու որոշում կայացնելու համար: Այլընտրանքային ծառայության ուղարկելու մասին դիմումը մերժելու եզրակացությունը 3 աշխատանքային օրվա ընթացքում ներկայացվում է Հայաստանի Հանրապետության արդարադատության նախարարին՝ դիմումը մերժելու որոշում կայացնելու համար: Հանրապետական հանձնաժողովի եզրակացությունները ստանալու օրվանից հետո 3 աշխատանքային օրվա ընթացքում սույն մասում նշված համապատասխան իրավասու պետական կառավարման մարմինների ղեկավարները՝ հաշվի առնելով Հանրապետական հանձնաժողովի եզրակացությունները, ընդունում են հրաման՝ քաղաքացուն համապատասխան այլընտրանքային ծառայության ուղարկելու կամ քաղաքացու դիմումը մերժելու մասին: Համապատասխան իրավասու պետական կառավարման մարմինները՝ ընդունած հրամանի և հանրապետական հանձնաժողովի եզրակացությունները 5 աշխատանքային օրվա ընթացքում ուղարկում են դիմումատուին և նրա գինվորական հաշվառման տարածքային գինվորական կոմիսարիատ, Հանրապետական հանձնաժողովին:

5. Հանրապետական հանձնաժողովի եզրակացությունները և դրանց հիման վրա ընդունված համապատասխան իրավասու պետական կառավարման մարմինների ղեկավարների հրամանները դատական կարգով վիճարկելիս դատարանում հանդես է գալիս Հայաստանի Հանրապետության արդարադատության նախարարությունը:>>:

**ՀՈՂՎԱԾ 5.** Օրենքի 9-րդ հոդվածում <<Հանրապետական հանձնաժողովի որոշմամբ քաղաքացու>> բառերը փոխարինել <<Քաղաքացու>> բառով:

**ՀՈՂՎԱԾ 6.** Օրենքի 13-րդ հոդվածի առաջին նախադասությունում <<Հանրապետական հանձնաժողովի որոշման>> բառերը փոխարինել <<համապատասխան իրավասու պետական կառավարման մարմնի ղեկավարի հրամանի>> բառերով:

**ՀՈՂՎԱԾ 7.** Օրենքի 17-րդ հոդվածում՝

1) 3-րդ մասում <<հանրապետական հանձնաժողովի>> բառերը փոխարինել <<համապատասխան իրավասու պետական կառավարման մարմնի ղեկավարի>> բառերով.

2) 7-րդ մասում <<հանրապետական հանձնաժողով>> բառերը փոխարինել <<համապատասխան իրավասու պետական կառավարման մարմին>> բառերով:

**ՀՈՂՎԱԾ 8.** Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:

